

游

藝

塾

文

規

肩難竟之業吾又有急于穀者而何暇于此也合志一途何論三年何論終身矣排遣者利心萌而旋遏此旋遏之心即穀也不至云者縱有意以觀其所起從無意以稽其所安而三年中胸次蓋泊如也則非排遣之所能施也慷慨者激知希而自貴此自貴之心亦穀也不至云者徒一念以稽其所嗜從萬念以極其所歸而三年中本體蓋恬如也則又非慷慨之所能統也前二比警發次二比深入淵粹之文易醒人目黃休烈末二比云吾固無望于卑而徇利者即以責于高明之士非氣衰而易竭則力歎而難持孰能當風會日流之際而為千古明正李吾固無望于巧而殉名者即以責于恬修之士非神昏而易溺則情靡而難繼孰能當丕李

名湮之日而為萬載紹真儒于題外慨嘆極能動人丘希周金箱
皆佳文云夫世非無雅志慕學者然而初心未溺于世芬旦暮之
驟持亦易空質不孚于時望利祿之勉却不難惟學以三年則才
猷既練碩士可猷其先資歲月屢更壯夫或隳其晚節而獨不至
于穀焉潛心于性命實修舉蓋世之功名不易性中之一晤遜志
于身心實詣苟真境之忻洽何羨塵世之寵光吾想其三年獨誼
之學契悟在觀開之始任寵辱得喪油然不加此忘外者也即意
見堅執之諒不及是矣又想其三年中自得之學解脫在念慮之
微并是非毀譽漠然不動此忘內者也即意氣力持之諒不到此
矣精以析義利之介而識見之卓彌闊而弥超一以定身世之衡

而涵養之厚愈歷而愈粹其秉心也塞々而不變縱世莫我知而
自知自信不志穀猶是也學而可久者也其宅心也淡々而不厭
雖世或我用而不染不緇不志穀猶是也學而可大者也何也士
未至穀以前則有獨抱之寸衷既至穀以後則有涉世之萬念獨
抱完而涉世定寸衷愜而萬念貞夫何論三年矣此純士之真學
問而可槩見哉以粹然之詞黻冲然之味而古遒勁健絕無冗語
俞一黼請云思本體從中和性命而來不得侈炫耀于毫芒故非
唯無溺情于厚利而闇然自修之中起念不褻即繕性三年無虞
中變矣思學問為蕪善獨善之歎不得馳精神于綠境故無論不
以爵祿羈心而澹然獨睹之內凝神不分蓋勵志夔空三年一日

不必更求奇異而詞理粹然足以入教矣張名時首二比云前
此之胸襟足以忘世味即家食亦奚足蓋固非惡榮顯者之陋而
救迤之後此之履歷可以一感遇即腆膺亦奚足艷又非羨矜激
者之高而故效之意調俱卓聞人不敢開之口而語甚矯健陳沃
心後四比云故三年以內無異學也即屋漏不愧之心也三年以
外無異志也亦即澹世無悶之心也世豈無有芥視軒冕者然猶
意氣勝耳至幽獨自萌而猶不負其初學則非意至而堅意盡而
弛者雖豪傑猶難之矣世豈無慷慨功名者然或竊名高耳至變
故已更而猶不改其素心則非陰為厚利顯為名高者當以古人
中求之矣若人可易得哉本房批云俱可入語錄亦可作註疏非

漫談者李拭講云不有學三年矣而不志于教者乎吾之學是時
習之境也悟學境之無盡則一念可以齊萬物方寸可以定今古
三年而神愈凝矣不干學外馳一意念也吾之學是悅樂之机也
契學机之自得則遇境淡而中無華過境華而意還淡三年而天
愈融矣不干學中染一俗障也未嘗強念以排遣而心一則物無
二性真原已超脫于聲華不必逃祿以示高而志純則遇自忘功
名亦何增損于道德高華秀族極利塲屋周維章講云功利之感
溺恒令人沉酣而不返夫士也亦為先資之無策耳乃當此三年
時則凡設施之孰得孰失凡機會之可俟可乘其為心上之經綸
也亦多端矣而茲獨不以馳念焉則非如躁士之飾術以梯榮也

胡得云靜修之易觀也寒素之牽引每令人自失其所持夫士也亦為應用之猶踈耳乃當此三年後則必有君民之澤介乎其慮必有經世之學動于其中其為閑居之講求也亦多故矣而茲獨不以岐情焉又非若虛士之抱質以宿名也胡得云趨操之易觀也本房批云思新語古自是超塵陳懋陞末二比云寵祿初非倖得道德中原有此光華倘萌一艷心是亦天理中之歆羨三年渾無此念則理外之欲祛理中之欲消非其一意內脩胡為有此操詣脩為原不近名先難中原有此後獲倘萌一覬念是亦太虛內之妄想三年絕不及此則不惟念無其念抑且心無其心非其沉心觀理胡能有此潛修本房批云理見更精詞尤高宕後來光景

彌吐彌新傳國俊講云乍忘物以觀理矯情者猶能驕語貧賤至
造詣彌深而非道之貧賤時至此志士所以悵鬱不平也夫人也
能平人所不能平吾以觀其趣焉暫寂寞以養真意氣者猶能羞
稱富厚至順逆相遭而倘來之外境弗齊此貞士所以跋慕不寧
也能寧人所不能寧吾以觀其養焉本房批云思深見大但以平
調出之俊聲雅度故勝鏤雕詰曲幾舍

人皆曰予知三句蔡思文起云今人皆曰予智矣夫智吾心之灵
明也中庸吾心之真机也以灵明為研幾以研幾為體驗吾智之
真運用也柰何聰明自存則自為智者多而侂合為明則能固執
者少文字起處是入門第一步此處端正則升堂入室迎刃而解

矣林咨益繳云我想夫婦知能之妙人人皆得以天符惟有可獨
契之心思而竟以意測之故有可獨詣之力量而竟以急遽之我
又想天命率比之蘊人人不得以智知惟精窮于所欲逐而不能
專研故力殫于所難支而不能遠到以此為擇是于無容意見中
妄執意見也當其所辨晰已覘衷情之莫克自堅奚俟期月而始
敗以此為守是于有可持循處罔識持循也當其所厭棄愈信決
擇之非由神解徒憑胸臆而自多世皆若人反不若冥々者之未
鑿也前二比詞好後二比意透得此一繳便覓精神百倍蔡之起
林之繳皆可為式者也丘希周全半篇云中庸之道擇守合一明
辨即為篤行能得乃為知止柰何世之小知者偶覩一班輒居全

覺略剽一見自侈大慧曉然鳴于人曰予知矣若而夫也乍合
者聰明亦能尋要道于岐路而易消者意氣不能堅至德于末途
喜怒哀樂中在性情彼于性情之中也與有涉焉然第涉之耳未
幾厭平淡為無味耳目復淫而他徙向所擇者逸而去之求其期
月服膺不能矣子臣弟交中在日用彼于日用之中也與有窺焉
然第窺之耳未幾鄙易簡為無奇心志復馳而他適向所擇者背
而馳之求其期月允執不能矣本房批云淺勘擇字便中肯綮而
究極情弊由委及源語不支離意不直致可謂簡而文矣唐天眷
講云天命之精原不受意見而彼直以意見常也即意見所到或
鬼帝載于日用而偶窺之日用者亦旋失之于日用彼所謂明旦

我湧出王我及果復為吾有乎不能矣率性之真原不參情識而
然與以情識當也即情識所到或探民東于常行而偶得之常行
者亦旋失之于常行彼所謂聖凡共稟今古共遵者果為期月有
乎不能矣淺々說來極中情事莊履万起云今之人皆曰予知矣
出此之知將至易至簡更無難哉以自然之慧覺抑完此之智且
即明即誠又何難會為合一之工夫而索之何徒自號為知也而
索之何擇乎中庸竟不能期月守也本房批云再用反語翻弄入
題似緩而意寔緊切所謂空中布勢者也莊欽隣云性情亦猶夫
人而妄意忙情之粗也喜怒哀樂之外別有神奇也偶于其中秉
之以自覺而即于其中鑒之以自迷玄奇意勝而期月之間得失

不無互乘矣日用亦猶夫人而認意日用之猶迹也子臣弟友之外別有奇巧也偶于其際遊之以合真而即于其際矯之以自異頗僻念起而期月之間得失亦且迭交矣一意生發灑灑不窮而高爽疏通意調而絕繳云蓋一入于中庸即入于無聲無臭夫無聲無臭者智之所不能窺識之所不能及也一自謂智則智識生自炫煥而何以有固執之精神一入于中庸即入于不覩不聞夫不覩不聞者聰之所不能達而明之所不得逞也一自謂智則聰明已自屑越而何以有疑道之力量以自智即不智發揮最得題旨姚一濬講云當其一時之意念出而與中庸值也間亦有能擇之者曾未幾而聰明之見乘意念以動忽不覺其溺真而之妄也

即欲依中以行而離合之端常憧々矣當其偶觸之事机入而舉
 意見會也間亦似于擇之者曾未幾而馳騖之私緣意見以襟忽
 不覺其泐天而之人也即欲循中以主而去留之閑常擾々矣詞
 旨謹嚴入口疏利莊時講後二比云百研未必其常操而偶不繼
 則前見明而後見惰若人也奚至不恒其守而期月遽爾惰跡也
 夫或者無精瑩之哲以要終身之歸宿則疑似于彼者正以起滅
 于此爾已常密未及其偶合而稍不繼則前見知而後見懦若人
 也奚至不貞其守而期月忽以懦柔也夫或者無灵明之識以定
 生平之造詣則眩惑于昔者乃其頽敗于今耳矣本房批云以議
 論點綴具有神理林有科講云中固有無過不及而可常者豈偶

觸之意見所能擇而精乎理精也而粗擇之始非昧為有得未幾而忽為簡易也忽為簡易而以意高之也曾日月之幾何而守且歷更矣意見且茫然而無主矣中亦有隨時隨事而不戾常者豈局曲之心思所能揣而中乎理全也而偏擇之始非不見為能中未幾而棄為泥常也棄其常而卒無忌憚也歲月未及期而守半途廢矣心思且茫乎不定矣本房批云可常無常而意洞々囑々中庸大旨幾無餘蘊而俱以實際語發之故思愈深而氣愈平意愈玄而言愈顯吳猷宸後二比云中庸有寓于所擇中者謂宜從本覺之靈明而以全功踐其實乃自稱能擇者徒能殫聰明以窺道妙更不知道妙一窺又有無所用其聰明者在也則何以隨澤

隨守而附于通方中庸有妙于所擇外者謂宜純簡淡之本來面
真其體合其虛乃自誇能擇者徒能據才辨以詣道真更不知道
真一詣又有無所庸其才辨者存也則何以一得永得而臻于神
解解理精透言言中窾徐啟鼎提云何則中無兩岐安所言擇惟
迷者之以疑似隳操也則必藉剖析以証玄机中原一真安所事
守惟懦者之以作輟昏神也則必藉保任以完寔照故擇則守之
用決焉守則擇之見真焉而柰何自知者之能擇而不能守哉提
語中完圓峻自是令人擊節洪啓進講云據其意見亦嘗用意于
中而有意求中即非虛而無着之體也意之為見者始則迷繼則
弛彼其擇非所擇而其守卒靡焉而不固也無為語灵通矣騁其

材畧亦當挾材為中而以材當中即非神而不測之机也材之用
事者外若銳中實薦彼其擇不知擇而其守卒畫焉而不堅也無
為語玄覽矣有意求中與以材當中等語參透玄机精光獨露非
學究尋常口吻鄭可選中二比云就其發用之真不之喜怒則之
哀樂于性情豈無偶合此偶合之心即擇也未幾而玄虛之見乘
焉愈玄則愈馳而當然之則反以外馳而失者多矣奚能守以期
月也就其動履之常不之子臣則之弟友于日用豈盡棄置此不
棄之心亦擇也未幾而奇詭之故參焉愈詭則愈溺而各足之良
反以遠求而越者多矣安望其期月守也本房批云平夷之思
後之調循于規矩而自不受羈束

所以考其善三句周起元一氣做提云吾以為身不患其不養而
患其養之不善以貞勝之理論出乎善則入乎不善無參立並至
之形以共趨之情論不善便而易善逆而難有凌奪倒持之漸此
其机胡可令兩懸而莫決也則有考之耳矣此其考第一內照而
自定也則有于已取之耳矣本房批云伸縮有法神理都完林咨
益云自非早定其衡胡能兩持之而兩適所以審其衡而為之低
昂者在近取不在遠觀自非先提其鑒胡能各制之而各調所以
精其鑑而為之區別者取自身不取外物意言俱雅而相伏相生
有情有致莊履萬講云愛之情已所自出也已所自出而自加推
擇則周身之中可斟酌以歸諸當已之身亦已所自悉也已所自

悉而自加權衡則反觀之下可裁決以全其神詞意俱練不入俗境在欽隣束云何者所養之已即所考之已惟不考故不善養考也者所以約其不善而歸之善也能考之已即當養之已惟不取即不能考取也者又所以取其能考之已而養之善也就題歸束寓意甚遠郭維翰前二比云蓋已非僅屬形骸亦自有神明之官能司揀擇已亦非拘氣質原具有無垢之宰不墮塵情摠挈有情只此數言而大意已昭晰無餘矣

湖廣君子不憂不惧此題憂惧原從君子涉世上說事可憂而不憂勢當惧而不惧所以為君子程文原主此意趙嗣芳之文適與相合遂作榜首其文云蓋人心主也憂惧客也憂惧在事適來而

進往是一瞬之遭也憂懼在心一入則不復出是束縛之路也
反而能常吾以觀君子之感一而不擾吾以觀君子之心夫君子
正不能使天下之可憂可惧者不相遭也使不相遭未見素位矣
惟夫流離困頓撼其形而不撼其情則安有積疑生慮以至憧々
于來去積慮生惕以至凜々于首尾任天之遭乎未有著而已
夫君子正不能使天下之可憂可惧者倖遇我也可以倖遇未見
自得矣惟夫紛紛倉卒震其外而未震其中則何至心為愁府預
起無端之憂感思為畏途自設不必之張皇際時之窮坦乎未有
涉而已世路自擾吾心自閑是故遇事洒脫乃其不為拘々而非
以涉于漠也甚者幹屯濟否庸衆駭視而君子以無憂懼之心靜

鎮其非常吾身自險吾性自恬是故委蛇處變乃其不為戚而
非以為坐視也甚者濟難匡危尋常变色而君子以無憂之心徐
俟其自定蓋夫人有所疑而不能釋則過計之極結為震竦之形
是憂者惧之因也釋則併釋而一念不驚君子所以完心体耳夫
人有所怵而不能解則蓄縮之過轉生不測之患是惧者又憂之
因也解則俱解而萬念併銷君子所以履世詼耳不憂不惧非君
子能乎哉本房批云沉思入理爽度絕倫婉委曲折盡題之神極
文之致甘籌後二比云置理亂而離憂惧之途者棲于曠耳心雖
曠而曠日深憂惧之所以欲離而反即者也君子不離亦自不即
方寸間常覺覆載之為寬而常不為逆強排遣以釋憂惧之障

暫自娛耳心雖娛而悶未化憂懼之所以陽遣而陰留者也君子
未遣亦自不留宇宙間獨覺真机之自毫而獨宅于虛意深思不
易醒人曰周應論講云內而觀其存主之心則天人兩忘俯仰適
矣俯仰適則何所不適故凡夫人之所視為可憂可懼而不可以
朝夕安者君子入焉而與之俱化也外而觀其應世之迹則得失
雙遣應感泰矣應感泰則何所不泰故凡夫人之所視為倏憂倏
懼而不能以頃刻寧者君子遊焉而與之俱忘也據君子涉歷之
境豈皆得意之遇而要之適于心不適于境則在在皆坦途而平
易可以化其嶮巇即論君子惺惺之心夫寧忘戒慎之意而要之
慎于心非憚于事則處處皆恬愉而有畏反以成其無畏輕輕謹

意不為晚削之調而文理明切卓然成家周桀講云宇宙寥移之
運其去不可執與來不可圍者嘗嘿定其幾而君子觀之以大分
則此來去者皆吾素也自不足以動吾衷耳人輩循環之數其造
事而得與造事而失者常各居其半而君子見之以定理則此得
失者皆密形也自不足以營吾懷耳惟不憂益不見天下之有可
憂惟不懼益不見天下之有可懼閑上說去自不可及勘破塵緣
言言入解李鍾元講云世路豈必盡平而君子宅心無適而不平
也優游字境覺自得之皆真其天守全其神無却怡然耳果孰
震之而憂抑孰摧之而懼也事机豈必盡順而君子素心無入而
不順也坦蕩胸襟覺動念之皆天應而常員厯而無累油然而

耳果孰可惕而憂抑孰可挫而懼也非藉盈虛之數以強制其情
而未來不虞當境亦不悞者其持念在閑適之天非工趨避之方
以快滿其意而在事不驚事去亦不辱者其處心在洒落之境所
以不憂懼正在下文落筆便易粘犯此文不着色相空空說去當
是擅場之作楊伯高云富貴一耳而貧賤夷狄患難各居其一則
赫然而憂卒然而懼亦人所時有也而君子有此乎彼視紛至沓
來猶然宇宙晦明之一息也小變而不失吾常殆終身行無展之
途也已吉亨一耳而凶悔吝尚居其三則憂復生憂懼復生懼亦
中材所不免也而君子有此乎彼視成敗利鈍猶然四時通復之
一机也以其心得其常心殆終身終無闕之字也已楊君中九計

名而其文卓犖若此則楚材之多蓋可想矣

徐行後長一節趙嗣芳起云彼且以堯舜有難者耶堯舜而有奇
行必孝弟為人所不能然後可而孰知徐行之即弟也反疾而徐
即轉不弟者而弟也夫孝可以觀矣其不能者乎其人之自不為
乎語人以為徐諒無謂不能者語人以不為疾諒無謂不能者性
天之懿不離形色何須別求性命步趨之間具見至理豈必遠尋
與邈是庸行也是粗迹也即古堯舜兩大聖莫能外焉非惟不能
外也堯舜之為固畢于此也非堯舜之為畢也堯舜之道直盡于
此也紆迴闡發刻畫逼真素晉後半云弥天之事業可以驚愚而
不從倫行之修持孰為根柢上聖之絕軌可以師世而不求常行

之展踐別無工夫嘉放勲者慕唐堯而要之孝弟之外無道即無堯也天經地義之理體認不真欲羨堦見堯難矣頌重華者樂舜帝而要之孝弟之外無道亦無舜也至德要道之真忽畧不事徒形體企舜難矣夫以二聖而不外于孝弟然後知有得于為則體堯蹈舜無非分內無得于為則愛親敬長已屬寡脩交也徒爭于徐行可矣本房批云步驟閒雅結構縝密輕重闊闊色色妥貼山東德之不脩一節解元徐光前重學字做起云何也德非可以茫昧臻則皇降之衷必緣學以啟其蔽德又非可以粗浮進則純粹之懿必緣誹以會其全故夫學也者所為斟酌于義而能徙也所為陶冶乎不善而能改也有如棄德不修而于學不講矣精神

不用于燥雪縱外炫聰明祇資冥行能聞義而徙乎功夫不勤于克治縱自抵瑕類猶厭後除能見不善而改乎主試批云吾憂句久為紫陽註脚障礙不知憂字即曾子三省之省字非是不能而始憂摠以四者是吾切已功夫吾所當時時兢惕者耳余久蓄此說恨未有相證者讀此大為惕然觀此批則主司所取自在後半篇然以文論則此起甚卓可式也中庸正已而不求于人徐光前起處亦佳云彼處上下而生凌援者方且執乎已而于已之中橫起人見則人為已對而已之虛体有所礙焉而不正方且著乎人而于已之外橫生營求則已為人對而已之本体有所馳焉而不正孰知夫已之獨而無偶也孰知夫正之一而不分也本房批云

此語是子思喚醒大迷挽回恒趨處只此一起反覆警切妙中其解

河南人道敏政第十名劉之鳳雄博大通篇皆佳文云吾想方策之政惟昔文武立人綱而道行于上周召佐人紀而道行于下以故不崇朝而太和在成周也倘今而人道立乎人者道之官第謂之人官不運以神政將滯于粗迹而何能敏惟人合于道則形氣得神理以貫徹而法制隨精神以俱流政之所以無壅閼也道者人之神第謂之道神不托于官政將驚于玄虛而何能敏惟道合于人則道宰其縻籥人妙其經綸政之所以無滯遲也君不虛尊有道以履其尊惺然至靈廓然至虛者儼如文武之心思矣符

其心思以振飭其緒粕無論皇綱再振帝紀重新而并其所振興
新者無不朝廷明夕奏功也其所運量神也臣不虛貴有道以乘
其貴炯然獨舍炯然獨運者儼如周召之意緒矣會其意緒以明
章其芳規無論怠者以起廢者以張而且并其所起與張者無不
旋發謀旋考成也其所幹旋捷也入剛克而政猛人柔克而政寬
人不吐茹而政中蓋兩朝規畫已能使不倦而民宜况道以運法
則嘉猷不難于獨創而當机不阻于異同即數十年遲疑而未決
者一朝雷厲風行而有餘矣人據之而政闔人縱之而政闢人調
劑之而政平蓋文獻可徵已可使一變而至道况人以運治則一
舉而綱紀布再舉而教化行凡九開外壅滯而未達者一息過化

精神而莫禦矣以是知王道無近功固必百年而後洽而德流漸
遷化亦可期月而有成公有意干人道乎東周之化斯拱而俟之
矣生机淳發思致淵翻北方文風大振近當不讓江南矣孟子恭
儉豈可以聲音笑貌為哉解元荆時薦起云何者寔未有不名名
則不有其實解不有其名矣今天下猶為恭儉哉知驕倨者賢士
解休而侈靡者衆然所憑故始匿其欲以襲其美尋博其美以濟
其欲私計曰為之則是而侮奪可陰肆矣不思侮奪既已巧矣而
猶借口恭儉也將欺人乎人固不可欺也恭儉既已敗露矣而尚
自為侮奪得也將自欺乎自欺則益不可欺人也本房拙云名寔
二字題中竅際開口便道破可謂開門見山魏尚賢云奈何世之

君竊恭儉之名掩驕侈之寔若將曰名不可襲也而可假我假之誰復予觀寔不可假也而可匿我匿之誰復予窺庸詎知人而有是恭儉乎安往而非恭儉恭儉不必為也人而無是恭儉乎安往而為恭儉恭儉不可為也恭之流也流于冲然一念已亦不自覺者而假言色以為恭則萬境之矜持不當一息之敗露起處頓笑之間有随持以告人者而恭安可為也儉之形也形于淡然一念已亦不自知者而托言貌以為儉則萬念之掩護不當一時之宣洩語言動作之間有随持以示人者而儉安可為也恭儉者神恬于真驕侈者神恬于妄恬之于彼而矯之于此其究將矯不勝恬而恭儉窮恭儉者精適于理驕侈者精適于欲所造在皮而不在骨

此其究將飾不勝適而恭儉又窮故無論素窮真見偽極返真陽
竊之而不得即使情景逼真模擬酷肖亦陰呈露之而難掩矣
重數為字而高華之氣雄偉之詞自能令人辟易孟紹康云吾想
真恭之主方不知其所以恭又烏知其所以為而托之乎恭者願
氣指使之威任其恣肆偶而愉詞悅色以傾動中外然我擬之人
且意之欲以是為恭乎則恭窮矣吾想真儉之主方不知其所以
儉又烏知其所以為而托之乎儉者天地山海之利析入秋毫偶
而減膳節服以塗民耳目然我假之人且窺之欲以是為儉乎則
儉窮矣亦是軒舉可人

廣東吾無隱乎爾解元閔憲曾末云蓋至教不漸化誨原以發明

乎至道之精而矧彼道不離人人不離道其又寧能以顯晦分也
大道本非秘術原自超出乎授受之表而矧以道自淑因以淑人
其又寧能以意見隱也是以兩端必竭吾所自信其非于無隱之
外別有一招揭也可知也即循循善誘吾黨亦謬相許可其非離
無隱外別有一誘掖也可知也本房批云剖破秘藏宛是聖人
口氣三名開管起云不知所謂隱者出于我即非傳其契合之本
真入之人即非符其發露之實理則見以為有隱耳自我言之對
尔而言則有吾而吾莫非爾也吾之所在即爾之所在對吾而言
則有爾而爾莫非吾也爾之所在即吾教之所在但徒本色題字
而擲出便成妙境張鴻諱云徒言詮索道者即終日與言容有不

能窮之蘊而吾之于爾其言詮乎哉聚而為樸散而為器愈散而愈不可極者直從有物而題之未有物之先也惡至而有匿端也從口耳擬道者即極意發洩終有不到之處而吾之于爾其口耳乎哉歛之成休分之成用愈分而愈不可窮者直從可見而聞乎不可見之緒也惡至而有藏机也本房批云從言上翻出無隱意真得聖人之旨孟義民之為道一節関管通篇皆可文云夫民胡以為道也其恒心則民之道也民心非能自恒也其恒產則民之心也常斯時而善念日充各相安于所有餘惡念日消不至交爭于不足富厚而禮義豫附焉即有刑辟其焉罔之詎非民之深幸哉乃若無恒產無恒心之人其身不能以自贍也其行不能以

制也裂名喪檢為所不可為之事而作奸犯科蹈必不獲赦之
辟民獨何辜而致此是則罔民者之所為矣罔則知有已不知有
民任真天之損喪罔則便在已不便在民肆羅織以奚堪吾想仁
人在上寬厚慈和之德日與閭閻相撫摩而必不忍其戕生廢業
以阻向善之途小民怨咨之情日與九重相眷注而必不令其緣
習染以罹國家之憲故使罔民而可為也必非仁人而可仁人
以在位矣焉有罔民而可為哉本房批云獨發一罔字是人略我
詳得竅之作

廣而立天下之大本滕之俊後二比云人性不着聲臭夫從何處
見本根吾誠不泐于所性則灵源者即其本根者也而為飛魚躍

之超自在率性不落方体夫向何處為預立吾誠克全其所性則
雖靜者即其預立者也而時行物生之机自顯以本字立字分作
雖非上乘而簡潔不蔓神明映徹自然超出常調

孟義市廛而不征二節陳治道通篇皆可其文云國家所以來遠
人而醞釀富庶者在商旅也乃今掉臂而皆去之非所以為國也
商旅之所以捐故里而來托異國者為得利也乃令措克而侵漁
之非所以為顧也故一商也持籌而策其利幾何吾豈必征之而
盡廛之當我思國家管山賦海有自然之利焉可爭其尺寸也于是
有不利于商悉報罷之令商得沾餘澤是能培民之命脉而與之
倚命者多也有不顧歲于市之商者誰也一旅也櫛沐之勞所獲

有幾吾何必訖之而復征之當思我國家粟紅貫朽有無窮之利
焉烏可輕其錙銖也于是有不利于旅者悉蠲免之令旅得舒旦
夕是能惜民之膏脂而民之依附者衆也有不願出之干途者誰也
人於病已與背君孰急故欲以培克之朝有歸附之商旅其數不
勝也夫人有身非有君孰主故欲以好利之商而背公利之君其
情亦不勝也于叙事間出議論圓机逸調種種動人

貴州孟義亦同此題解元張文星之文亦可其云彼人情非為利
來孰肯繞尺寸而冒閭閻商旅皆吾赤子夫何忍重箕歛而竭膏
血誠于市也厘之所不能蠲者而征則報罷法之所可為禁者而
蠲且議寬則天下之商有不欣欣然相率而願歲于其市者乎吾

之市徵貴徵賤業無厲禁而熙熙者舍此復何適謂市之征者而猶有褻贏而避之者必不然矣其于閔也非常有禁而訖之必嚴末流無譏而征所不事則天下之旅有不翕翕然相悅而願出于其路者乎吾之路資舟資車業無滯積而皇皇者舍此復何之謂閔之征去而所有望望而去之者必不然矣蓋天下商旅其徵逐最微而其轉徙亦靡定惟仁人一寬其物力而即勸夫往來歸向之誠國家財貨主之天地者什一通之商旅者什九惟仁人不攘其錙銖而自收夫輻輳循環之利王政之及商旅有如此者精雅踈朗民情國計洒洒詳盡殊方而有此作我 明文運可謂大振矣

丁酉比畿古之學者為已此是一句題最難鍊格徐光啟先單提
一頭即聯講二比次以學業學術實講二大比即以四已字翻作
四小比用蓋字徵二比後復單收此元格也其文云學何自起哉
人各有已而人無盡失其故我亦何待于學為者此見理之言開
自夫有生之後漸染于物誘而銷亡其性真不得不假之脩習以
完其本來是學之所為設也為已設也此句提得好惟古人者
從形骸見本休知已之外更無足求獨此成身成性者為真源因
本体識持循謂已之內一無可諉獨此自責自脩者為實際二比
體二字相承同是學業也而微窺其本意乃真慮夫躬行之難盡
而為此龜勉者也即或馳思乎燕井有不局于已者而亦以為不

如是未免有虧于外內吾以是滿已之量而已共是學術也而潛

蔡其用心

此與當補入古字方不漏題若推講為已而不言乃笑古字者則為已者誰耶全失夫子欲思之意矣

慮夫固有之難全而為此兢業者也即或心通於萬物有不限于

已者而亦以為必如是乃為無歉于踐形吾以是盡已之性而已

近世初學之士見孝業孝術便以為有迹而欲化之此皮毛之見也已之功無間故學之旦暮不言

息已之功無限故學之沒世不為怠已無隱顯不以昭昭冥冥為

勤惰已無作輟不以聚非聚譽為勸阻此四此執甚苦勤勞甚

又成矣蓋不獨于世無營即修之性命者祇以自慊其隱衷非因性

命之學以自見也不獨外無所炫并其所為收歛者第求不愧于

內省非避馳騫之名而為之也說理甚精詞不繁而意自足吾思其人信純心

之士而得學之真者乎以方今世一何不相逮之遠哉又是單收
大率元卷單起單收者多第二名謝廷讚亦單提三句平講六比
以蓋字收二比前四比皆粘古人其繳二比云蓋太虛之賦界不
齊而最初稟受惟此一已是故有時而闇然內脩則衆人見明而
彼獨見微衆人見外而此獨見內此二句精光觸人入目即醒是學之為與物
相對之已也其真体凝也宇宙之經綸不一而本体運量惟恃此
已是故有時而廓然太公則真以為身而緒以及物敬以脩已而
即以安人是學之為與物無間之已也二比窮玄扶微最利塲壘
吳中偉起云人生性有此已論已極脩之量則天地萬物不得委
棄于性中而稍一虧缺即非實養論已精實之体則身心性情原

不借資于分外而稍一馳騫即非純脩詞有精采能動人其起二
比及收二比皆就古人發揮最有見邵士斗東云彼其識已也受
天全故其學也不令人損其責已也欲內脩故其學也不令外虧
錦錦遺響江盞起二比即作二大比次以蓋字衍二比末用是故
收二比其格亦練其正講云其向學而趨則欲收儒先之真蘊成
一已之純脩而時時從本根上圖維即性命之學足表見乎彼其
立心設志惟見一已則若專為在此而他與吾學矣字數為其積
學而待則欲假帝王之經綸行一已之實用而事從靈源中休
認即蕪併之迹似馳騫乎彼其遊思結想惟念一已則若獨為乎
此而他非吾所學矣蓋為不涉形迹不脫字迺隱微中自萌自察故

微獨于世寡營即其中默抱玄祇以自快其隱衷而其為常密為
已亦不屬矯強就黽勉慶至真至懇故微獨外無炫耀并其潛脩
靜攝止求不愧于內而其為常切謹為字明白是故黃虞以前其
人何書可學而成身成性于是有為已之心而泯其迹夏商以降
異學間亦爭馳而自本自根亦有為已之實而無所分此繳與吳
中偉相似故君子以人二句亦是一句題徐光啟單提二句用乎
字汎起二比實講二大比中二比初從治說到改既從改說到止
以未改既改作眼目用蓋字繳二比末單收格亦練矣謝廷讚提
二比云物我之生同原道妙如字欠穩此題只宜說常不立說如即遠道之人而會
道之真自在也離合之機捷于俛仰即嚮道之始而至善之止隨

業也理意俱佳中二比云道本易知乃智者馳驚而不止夫獨無
良知乎吾直叩彼中扃則良知即覺迷之術此句性灵見而馳騖
之心華矣又何求焉蓋覺悟在彼息教在我兩相止于易知之素
而已道本簡能乃賢者奔軼而不止兩字夫獨無良能乎吾直探
彼本來則良能即解謬之方真性復而奔軼之心化矣又何責焉
蓋脩証在彼休息在我兩相止於簡能之常而已知能雖是常說
而鑄鑄有法極能動人所謂沿故而彌新者也吳中偉先承詩來
用哉字汎起二小比復提二比云君子察則于人而洞見人人自
有之理是不遠之則也多岐無為也故振机自我而一投人人自
有之机是不遠之治也無煩多術也雅而圖人即甚聖智其知

能人也其性情人也聖智不離乎人則人各有聖智在也

此句我入理我

以其各有者還以治人而令彼幡然改焉則道盡而所謂人道無餘事矣復何勤督責為矣人即愚不肖知能亦人也性情亦人也人自成其人則人自有其道也

對得

我以其原有者返以治人而

令彼勃然改焉則道盡而所以為道無遺力矣復何事多求為矣

二比就人字發揮最切舜之居深山一節此題參差不齊徐升啟

先提提二比却將上半篇三四句捆束過後面作六比單收格甚

雅練其文云吾觀大舜之不可及也不在其用中之時而在其執

中之日不徒有為者窺其明目達聰之用而徒無為者窺其虛堂

洞朗之天

此通篇所以若此

彼居深山之中而木石鹿豕之與居也

為幾希于野人耶

本文不做竟輕一過者

吾以為幾希于野人者

正舜之為舜也凡人未能忘念則在

二句極

而舜

方渾洞乎其未有起也至靜之時不立一念乃可以待天下之

動者也

此正教本石居鹿豕

凡人未能忘意則時皆意生之會

而舜方冥泊乎其無所生也無物之秉不着一意乃可以待天

下之有者也無可共聞亦無可執為獨聞但以天下之善虛含于

不聞之境而及其聞善也雖一隅而已觸為全体矣

從上說到下一章之旨皆

肥說

無可共見亦無可持為獨見但以公共之善默存于不見之

地而及其見善也雖幾微而已融為不測矣

語精

蓋因無有我并

無有人而我与人相感發于深廣無端之內我善無大故人善無

小好

好

而言与行悉会通于圓轉不窮之中譬諸江河之決沛然

莫禦

只點

而天下之一言一行皆所以鼓其机絨者乎彼深山之

不識不知无所以開其障塞者乎

宜找此句

若自立聞見則吾以

善往而來者莫之受矣吾以善出而入者莫之通矣又何妙應之

有哉格甚平正理復精玄擅場之作也結更有力謝廷讚过文云

此一幾希也人物之辨亦聖凡之幾人心道心之萌亦有感無感

之際重幾希做有理文字要氣好場中尤要緊陳一敬此作通篇

文氣甚順其後二比云夫言誠善亦淵渥中之故物而以其散見

者会其淵渥者自官止而神行焉耳若傾之而心若通之相迫以

出亦不自知其出之所從也夫行誠善亦停蓄中之素具而以其

五布者逢其素具者自神動而天隨焉目若迎之而心若赴之相解以入亦不自知其入之何從已文氣如注宜詳玩之

應天居敬而行簡一節此題格最難練程作有起有繳中間而扇手做此是大雅之文呂克孝先提簡字二比即用一故字入題講上段四小比過下亦四小比收處最參差活動歷觀諸卷無能勝之者其文云吾以為簡之行也可以蠲滌煩苛使人游清淨而莫知其自而簡之所以行也則以主持嚴密先為執体要而不弛其心勢圖而故簡從敬生其玄默者即其欽翼者也萬幾所以不煩而集也敬隨簡運其精詳者乃其蕩滌者也刊本誤此心所以不而而嚴也若論實理此二比宜挑剔居字行字依題義最利場屋

不溺于晏安即慕隆奏而貳飭時厘勵治不荒于逸豫故縱恣銷

而優游自理

合字不

令暗民者盡若此奚簡之不可行哉而胡為

有居簡行簡者

亦落得便但不若第二

名彼濶畧于科條此乃移

而用之心術

彼滿除其苛細此遂因而决夫隄防理乱治忽之

批紉

即

不置諸懷有恣睢自適尔已而網解紐弛何可久也天

地民物之故不關諸念有桎梏自命尔已而習驕積憤何以為天

下福也

長短相

則行簡者失其所居并失其所以行也是以君

子不多事亦不厭事不欲為有心亦不欲為無心兢業而出之以

舒徐縝密而收之以博大約固無馳騫周章之意終亦無頽靡潰

放之虞

錯綜活動累可為式又作者類以不可不

即三五之上理

詞以加茲第二名何琪技提起居字行字請居敬行簡二比三四
此即搭下段聯講末亦就可一边收格好而詞稍不及第三名洪
翼聖精研的確當是作家起單提居字云雍以為民心治化管于
上心之所居一其居者寧靜之府荒其居者煩擾之門此題提簡
字乃是常理但仲弓所重金在居則提居亦是正論且與衆不同
講前段云不徒借名玄默以自娛而兢業為宅其神凝矣神不旁
出于兩岐自政地不驚于多端即其行苛細盡蠲而摠之大体出于
小心何至以省事開廢事之漸不徒厭離世務以便已而寅畏作
所其精聚矣歛精而歸于純自能歛政而歸于約即其行科條尽
鮮而摠之太平釀于萬恭直將以便俗而振頽俗之衡衡字練請后

半先二以后如一置天下于心之外又何能攝天下于心之內吾
只極：叙去如心與天下不相操又何能使吾心身天下常相縮其寔至于世道
無所主持風化日以潰敗則居簡之為哉而雍竊意其太簡已敷
動繳云蓋執要者在執方寸運量之主居敬則主從心立而治不
煩絕禁者在絕意念禁擾之根居簡則禁從心起而治愈擾精練
之句第四名吳應試重做上段輕拖下段亦是一格叙完居敬行
簡繳云蓋一人恭默非居而萬民往來于懷則淵默之居而實天
下之居幾務紛紜非行而一念溢于當先則條教之行而實德化
之行發居字行字透有此數句便可中式金汝嘉起云天下本无
事奚取于紛擾為者而天下之事孰非君事又奚取于厭縱為者

只不甚對所以見其磊落有致耳文字最宜活動可散即散毋
牽也陳萬善甚奇中間講語多從壇經脫出起云人心兢業內有
自然之恬愉而安逸中有意外之煩瑣倘簡而曰可也此句即承有
力必也居敬而行乎敬者簡之真精神也一息而遊四海一念而
周六合簡者敬之真閒適也四海摠歸無事六合同遊周象只以
自發道理全不照顧題目居与行不分内外當其居有行之用當
便提散奉人必中之文其行有居之体主宰運量合為一源故一代之規模以徭敬与簡
不分詳畧即敬之時簡在敬即簡之時敬在簡全然是續密紆餘為
一事故万世之昇平以建可以動心亦可以駭目若更切題便為
上乘黃通理講上段云身心性情一稟于齊莊中正之規而深宮

兢業不敢少自暇逸則兢業之至已具無限之經綸毋俟屑々然
與民興利除害而一切處分尽成閒適矣衆寡大小悉宰以臨淵
履冰之思而大庭儆惕不敢少自逸豫則儆惕之至已蘊無窮之
治績毋待區々然與民更始圖終而諸凡操縱摠屬休要矣敬前
而時爲意抱畏以入載靜以出之極練入荒屬于衿帶是思道之
雅化也其中神全其民志洽萬幾疑于徑寸是恭默之上理也太
凡鍊詞者最易中瞿汝說沉思入細百練成瑩無一字肯輕下亦
無一語不到家其文云凡簡者其博大之規非人主有意濶畧惟
精神操攝而利弊輳理之交無一非深心之密運則自不必藉法
制以維持其節目之疎非人主一一寬解惟意念常惺而獨司文

治道之繁則自不敢用煩苛以厲俗

着意求上
心可惻

故有居敬而行

簡者其視天下無非罅漏

意稟一心以制之

工語

而常若不勝其視

吾心無非間隙挈天不以制之而常恐自放若此者

過境多休
欠大雅

即

寬法網以便民而神

行其

曠蕩處亦皆精所注也即因世教

以畫一而我操其柄其脫易處亦皆民所守也

合學不

以是臨民

斯亦可矣而有如君者簡焉行者又簡焉是彼其心曾不能每天

下習而愈狃愈厭并約束之具所以齊民者猶未免謂勞苦其神

而必盡解之為快也其心既以天下為苦而積玩積隳并紀法之

布所以寄治者且不欲羈係其民而必盡捐之為適也壞法亂紀

之風日聽之于天下而且以就其情竊之私因循叢挫之弊已

之于吾心而尚欲偷其一日之逸此無乃过于簡而為泰乎蓋人
主必收宇內于方寸則紛亂之旁隙盡屏而兢業之至乃就恬愉
見理之言人主若棄民物于度外則百端之累孽萌生而承弊之後益
滋煩擾此雍之論簡所以必歸本于敬也此文本是元魁之作但
先文懿輕溫而星卿沉鬱先文懿無心求工而星卿著意刻鍊先
文懿若祖師談禪咳唾皆成妙境星卿若良工琢器毫髮盡屬苦
心掃除聞見而培養性灵則文懿可復作矣汪文偉起云倘謂行
事之脫畧為簡彼未行之先豈無所以宰攝其動履即執綱領之
粗迹為簡彼未行之先豈無所以運用其精神用兩箇未行之先
皆對君字說陸繼魁起云簡一也在事則為寬大之治在心則為

安逸之私載于敬則以有主而條事之煩離于敬則以無心而生
事之蠹亦起得活動程汝繼後二比云非不欲与天下相休息乃
其心先自便也而便不足以相屬而億兆之精神隨吾之精神而
靡矣非不欲令天下易從乃其身先自逸也而逸不足以相繼而
紀綱之惰窳与吾之惰窳俱極矣而便而逸二句說得好黃文立
後二比云始謂煩慮燥精斂而捫之以靜竟不養堕体黜聰歸于
何有而方寸中全無主持始謂紛拏勞形反而歸之于約竟不養
蕩檢踰閑馳于域外而天下事尽属怠荒練而有味刘仲斗講完
上段收云蓋一腔兢業已預絕生事之端故始于無逸卒于無為
而一意休養可立奏和平之績故于神不勞于民則逸亦練與世

翔起二比云玄默可以跡假而惟辨心則鎮靜与怠荒其握机自是與嚮惇大可以意托而惟考心則渾厚与偷惰其致用亦自殊途有理之言張師繹誦上段云世務紛紜皆起于君心之多欲惟居敬則已絕多欲之擾疎節濶目不失為惇大矣法令滋章皆始于君心之未清惟居敬則已清法令之原解煩滌苛民載其清淨矣既新且切顧大章誦上段足云蓋寧一之治起于惕慮之中振刷之朝不妨敦大之礼得此四句便窅從容下半云以彼其居則未能無事已先無心夫心且先簡也事可憑而理平是積玩成弊之道也名為惰窳不名為恬淡以彼其行則簡于其中因簡于其外夫中且無主也簡何緣而生乎是積廢生擾之道也名為多事

不名為節省麗而有則最利場屋居行相對使非魁元

言而民莫不信凡政事感應題目最無精意發揮湏講得入細使
淺流常蓄雅情枯株時含古意乃為出色呂克孝雅淡和適亦自
可也但以平調寫平題稍有遺恨耳場中遇此等題最不宜輕易
放過洪翼聖根天淵發來首二比云故至聖非拂民而言亦非徇
民而言擬議適當乎机宜斯民非以權揖而信亦非以術靡而信
孚契摠根于忠赤亦用意次二比云言襲乎典謨墳誥而精不貫
則民二乃言如至聖方且宣閭閻之利病闡政務之得失不爽錙
銖焉夫非載其精以出乎民听其言旋洽其精矣言飾于耳目听
觀而其神不貫則民疑乃言如至聖方且括千古之神理洩維皇

之彛訓洋洋乎不繆毫髮焉夫非肖其真以幾乎民听其言旋孚其真矣亦自纚々吳應試中二比云言出于一人之命令也逆听若難遽周而惟一精所貫皆睿謨也此以精流彼以精洽其孚契在語言文字之外而萬方戴若神明矣言不過條教之敷陳也不全今愚蒙若難遽喻而惟一神所徹皆懿訓也此以神徃彼以神來其融洽在情符意券之中而庸衆奉若四時矣末二比云蓋耳而入口而誦雖信亦迹而惟不假約束直綰結于心思志慮之內是之謂信類而通隅而結雖信亦隘而惟無所閼闕直潛達于山陬海澨之遠是謂莫不信挑剔亦明吳世翔後四比云渙敷于朝宗匪直飾詞以驚愚惟是深根寧極之精蓄極徐敷而流布宏也彼

民且緣絲綸而想見其內蓄親聆者神決風聞者意傾莫不洞鑒
而共諒矣傳宣于邦國匪直擬議以立則惟是含灵葆粹之素醞
極自沅而敷布廣也彼民且緣渙汗而潛窺其內蘊將令懸而若契
譌方戾而若符莫不慨然而相洽矣蓋詔下而民咸遵奉猶屬貌
承必要諸信則言者無意聽者何心神洽声音之外自非主德深
于凝注何以孚衆志而大同令出而民咸樂聞猶屬乍感必歸諸
信則上不得強要下不屬浮慕精通播告之先自非主德溢于頒
行何以摠群心而默寄淡中寫意亦自逼真韓仲雍亦有佳句如
云若親握其肺腑以相灌輸者則皇秉之吐露真也若共出其款
素以相傾結者則主德之昭示神也亦可觀姚之典以本文作起

云至聖之言從聰明睿智中洩為絲綸也非貌言乃裏言也是從
仁義礼智中摠為謨訓也非華言乃實言也亦典實丁元翰後二
此云聖人與天下共在無言之中業已未施信而民信即時而有
言亦言其心之所已信者也謂之信在言前也可下便竟新建天
下力聖人共在有言之外業已不信言而信心即言而以信亦信
其心之所不言者也謂之信在言外也亦可就無意中說意亦能
豁目陳仁錫大有奇氣縱橫發揮中間多有俊語如云若按其曾
中所欲語而代之洩者民直相信以肝膽而言特其符契耳若叩
其心腹所欲發而代為示者民直相信以衷誠而言特其左驗耳
披文告乃見心神化口耳悉為精意皆可誦中二此云鑒之今一

朝謨盡垂之後奕代芳規至于言者亡而言者之精神不亡百年
易姓老傳聞猶得信聖蹟于卑詞片簡之中而真誠貫于金石守
于愚定保森然師于智典刑具在至于言者徃而言者之意緒未
徃風聞異代聖子神孫猶得挹家法于紀訓誦述之餘而定令確
于四時語新氣暢燁上動人余一德束云言浮物也惟至于信則
不以浮意相徃來而直以真心相許可方見感格之神耳虛受也
惟至于莫不信則耳接之而虛入神注之而實通蓋徵當可之妙
東有奇氣皮光國亦有佳句云蓋舉一世之精神介昧于一言中
淪洽之矣舉一世之猜疑窒闕于一言中消釋之矣亦自警拔
故苟得其養一節此題亦枯淡難數洪翼聖起云吾由山木萌蘖

以觀人心幾希此復机也亦微机也机属方復見謂易長然不培
植則長無基机属方微見謂易消然不斲喪則消無隙此起亦佳
此下竟撇過山木只從入心上講亦是一法其中四比云養非旦
夕襲取之功萌動在一念湛既在終身其積累醞釀自有無形之
長焉長非朝夕驟得之效始則根源既固繼則机絨莫遏其發榮
昌熾摠属養盛之徵焉真休乍現本引之而愈伸惟失養則五官
遞侵百誘交奪日雕日琢而乍現者竟属惜亡真机偶露本培之
而即暢惟失養則內昏莫覺外逐潛移寢削寢微而偶露者終歸
漸滅語皆入細戴新起云自乍放而得乍存固天机不容盡亡以
至微而界至危亦生意不能自主亦是佳句劉仲斗後二比云養

有碩復葆守之意而全其真机以杜妄机此以不消為養者也然
而長猶難恃也一不養而皓亡頃其養亦漸積積累之藁而滌其
妄机以還真机此以祛消為長者也然而消乃易至也一不養而
斷養殆盡說得失意甚明程玉潤云養非必增其所固有直就本
然之生意培植之而故物之不傷即新机之日茂也亦是佳句田
大成中二此云當生意初萌之始而一加培養無論物之易生者
靡弗長也即所稱圓徑寸而莫可把握者有不通暢其真机者
乎而苟斲削一施則驟而完者復驟而滅誠莫得執本來之真机
而謂其終弗毀也當生理既斲之後而復加保全無論物之易長
者靡弗茂也即所稱放之千里而未易收斂者有不復還其本休

者乎而首鑿則既至則俟而成者復俟而壞誠莫得執已還之本
体而謂其終不剥也筆力雄俊不拘不束張師繹繳云朝夕浸灌
不見其益有時而長蓋惟得養雖已彫已琢之後不難復其常
也苟于此仍加侵害則長即為消之始晝夜戕賊不見其損有時
而消蓋惟失養雖易滋易息之体不難失其故也苟于此亟加愛
護則消即為長之初語亦奇警陳仁錫後云長而復消易消而復
長難以化工聽化工易以人工補化工難窟塞則非養壅節則非
養不寬不迫之間適得其方直令消長二大權聽人事之主持無
意弛之則非養有意矯之亦非養若緩若急之際躋合其法直令
物生一大柄任人力之挽回如公孫大娘舞劍出入自由瞿汝說

通篇皆好其文云乃知天下無全亡之物性雖摧殘之日而養得
則真意復萌天下亦無終美之物性雖昌盛之時而養失則真机
遂削先此非必助之使長第縱所欲達者而毋使抑鬱焉此時
之勃發寧可制哉要之以順而達其性者旋可以逆而遏其性養
一失而即此勃發之生意又無不忽焉就稿矣非必強之使充第
保所未斃者而毋使戕賊焉此時之暢茂寧可限哉要之以全而
衛其生者旋可以惜而蕩其生一失養而即此暢茂之天机又無
不索焉漸滅矣此二彫殘剥落之餘勿謂無本來之真性擴充四
達之後勿謂無銷燦之人心而聽聽其權于培植復之于既喪不
俟歲月之功斲之于全昌不俟交攻之久而直聽其養于湏臾此

平謂蓋天下止有人力之栽培不能必于進退互乘之頃而物生
非齊之理則無不可憑天下止有化机之消息不能定于斯頃得
失之交而人事旋轉之机則無不可據是心之當養信有如山木
者不然彼全美之所不能留斧斤之所不能盡者謂何豈非消長
皆在此閑而惟人之養不養為判哉此文極有法度又似信筆成
章較之首篇尤覺省力頗有運斤成風之趣程汝繼先提養字做
起云養之物在舒徐調護而豫持之可葆其未彫未琢之倪養之
力在挽回轉移而薦操之可維夫一剝一復之運提此便有頭腦下文便好馳驟
末收云物無自必之命而特生時滅權有所司物無中互之理而
非生則滅間不容髮信乎物之机至危而養之功甚鉅也收得緊

且有理黃元立束云乃知不毀不滅理之原于無始者造化獨提其權一消一長机之緣于措養者吾人遞操其柄小束最難得佳如此收法亦儘可玩姜雲龍束云蓋其物候之密移者不可測可以吾養伺之而其幾微之潛伏者亦不可窺即以消長之數証之說以消長証所養便有味余一德兩扇平對中間講語亦有可採者講上句云物有不滅之生意然不能自為條暢而有待于養吾果有以得之或沃其未剥之根而以養為養或培其已琢之脉而由不養為養講下句云或戕于全昌之時而初廢其養或棄于剥落之續而益任其不養詞皆可取意亦透露

| | | | |
|-----------|--|--|--|
| <p>卷終</p> | | | |
|-----------|--|--|--|

詩經文規卷之十

趙田逸農了凡袁黃坤儀甫著

男袁天啟若思甫

姪孫

袁士鯨南之甫

袁柞熙載之甫全校

書林

正講七

浙江丘也聞有國二節此等題目最難整齊最當凌駕若隨題下筆不分輕重縱詞語精工必不中矣張應完于題目當講處多不請但從虛處發揮其文云國家以定分為紀綱以輯睦為精神以

富強為末務

此三句

通場所少

故丘也

聞有國有家者非貧寡之患而惟

不均不安之患

將題一句考

何也君臣之情以和為極而惟均矣

始之國家之禍以傾為極而不均實昭之故不均則不和則

不安即傾且立至也而奚止于貧寡

本題上皆非

惟均則和惟和則

安即貧寡且自無也而奚至于傾

此數句是本題正意雖

君令

臣共杜蒙藥于未萌而垂昌明于奕世內順外嚴滄風猷于密勿

而樹威望于四隣

二比便竟文勢看客便是此

如是而遠人

未服乎

不用過文

則曰我實招之侮也於是而有文德之脩如是而

遠人既來乎則曰我無遠之携也于是有撫安之術

下一節又已

比皆在題外

蓋

和德之朝不勤遠畧四維之國安問要荒

此四句

故貳而柔之服而舍之于我國家無加損也此處方合其初

律以德其羈縻以恩于我內治無異圖也德上比曰柔曰舍此比曰

法我本不患寡何心利遠之民我本不患貧何心利遠之富二比

如本題正意此均安和所以益修而國家永無傾也題目參差而

文獨雅整又輕重得法凌駕圓融當細玩之第二名王三才將首

二句輕叙即作二比云蓋人欲無涯一或逞其喻越之意則有餘

者益復求餘而勢必有傾覆之漸上下有分惟各適其分願之期

則不足者亦相安于足而究且成熙洽之風看此二比便格局正

大神襟軒豁中式机括全在于此次將均無貧三句輕一喝過即

轉下云夫國家而誠如是也則以名分為約束以綱紀為折衝固

可不煩兵而勤遠人之歸况土地自有餘饒人民不言改聚又奚
以藉遠人以益國家之有連珠叙下如駿馬出峽而且踟躕四顧
文勢便覺悠揚又二比講完題意繳云當其時叛者可來服者可
安即五方殊俗皆為吾效勞職貢之臣而我無尔詐尔無我虞則
四裔同心益以廣均和又安之化收得精核宏暢題不整而文整
第三名楊守勤格與第二名頗同其文云以予所聞有國有家者
貧寡無患也而均安則患焉此題上字眼更誠謂君臣輯睦是閑
精神舍脉之圖而情意綢繆坐消危疑捫扞之漸此四句最有試
觀均也而猶有貧乎和也而猶有寡乎均和而安也而猶有傾乎
無游極輕毫下費力殿陛黜貪求方以脫之猜嫌族以躋之鞏固公私無撓

二方以維其元氣隨以壯其藩垣

王三才作二比于上文之下此作二比于上文之上皆所謂托

要爭奇者也殿陛公私四字暗點君臣有理

夫如是故雖遠人有不服乎亦非曰吾德

之已足而遂觀之兵也貧寡不患原無利其人士之心而傾覆不

虞何至受其反側之累

融上節之意作此二比最為有見從此數下体便從容矣

惟是來之

未服之先計惟有君臣交儆以增脩其文德而攻心為上攻力為

下其招來者深矣安之既來之後計惟有上下圖謀以共固之均

安而貳而柔之服而舍之其綏懷者廣矣

臣一脫塵詮獨抒心得君臣上下四字用得極好

蓋緇常誠素則外寧豈勝內憂故寧屏私圖以杜彙隙而順治已

寓大威嚴德化誠脩則遠人孰非吾人故寧弛武畧以議抚綏而

國祚益鞏于長久此誠根本之至計國家之極則也煨煉工而格

興尋常陶洗淨而詞無煩穢此与第二名卷皆可作元第四名林
杞講不均不安即頂上患寡患貧未是湯霍林稿中舊意其講均
無貧三句云上下之相安者惟是名分之不紊此二句不分均則情
洽情洽則相聯相好究且以和睦而成久安之勢分均則和生和
生則無貧無寡究且以安固而建不拔之基均作者要整齊類以不
扣作偶此他從均字說起此所謂折衝之威制于堂上而常勝
而意聯詞整有法之文也
之策握于朝廷亦雄句第五名温休仁講完上節繳云夫國家之福
莫大于治安而均所以開其始國家之禍莫深于傾覆而安所以
弭其終此二比与解元同莊李魯先將搃意渾起二比最易醒人
其講均無貧三句云紀綱整肅之朝成賦与分采兩羨而嫌疑不

紀事成雍睦之風均之內已有和矣君臣同德之世公乘與私從
而充而累葉不生未杜凌夷之漸和之內已無傾矣二比詞新意
練較之第四名對得更高下一節以來安串講云因紀綱之整肅
而益恢我帝緒遍覆包含肆懿德于時夏令彼慕義而歸場亦既
悔于厥心則縱之自便而毋強其不堪矣乘君臣之同德而益昭
我皇度雍容揖遜敷文命于兩階令彼聞風而企焉亦既改乎前
愆則綏之各得而毋生其擾矣麗古而未朕而文德增脩使效來享
來王之職既來而嫌疑而釋永身為不侵不叛之臣又平收詞甚
冠冕第八名張九德起云丘聞先王建國而承之以家此句便惟
是文德之脩以均安之一章大意點得有力試官豈其患寡由患

寡而得不均則患豈其患貧由患貧而得不安則患決是好秀才

有此等誠以國家傾覆相尋傾字惟不均安故耳如均安而和矣

家無逼上之臣則儲端杜國無猜臣之主則嫌隙消豈徒無寡無

貧此將無寡無貧輕占常吾世而鎮撫其社稷將子孫憑藉其基

緒古語有而奚傾哉大能形化夫如是、內順外威之道也其究竟

必蕪弱以致昧也蕪弱二字亦固本銷逆之策也其初心原耀德不

觀兵也連用四也字作二比故遠人不服亦增脩其所以均安者

而已絲索相承以我臣主無猜豈前此無德澤法度旁遠于遐陬

而自反苟嚴孰非玷闕吾脩之使益瑩焉彼有不輻睽歸命者否

也既已歸命矣且得有勤兵乎講既速則安以我上下一心豈至

五

此婦有禮樂刑政馳諫于域外而自治苟專孰無廢墜吾修之使
蓋盡焉彼有不嚮風效順者否也既已效順矣且得有侵凌乎
夢始終只是脩文德故重講上句而以下我自無貧我自無寡原
句輕施所謂練格欲知輕重此類是也不藉遠人為內臣患不在貧患不在寡何不釋遠人為外懼筆端
凌駕絕非常調馮盛典講完上節繳云蓋以億兆為捍衛而以名
分為紀綱以積貯為外儲而以情意為血脉四句好下節亦串講
李榕亦是元卷其文云丘聞有國家者享國家之有而無傾足矣
先題傾字便出色彼夫分茅服采其分義原自適均而欲保世亢宗則封
殖豈為完策從陶口葵首篇故非寡與貧之患而不均不安之患
何也不均則垂則而相猜忌此爭富強之名而貽傾覆之害者

也惟均則和則無嫌隙此消貧寡之術而杜傾危之黨者也

只此一句便盡題夫惟無傾如是頃在無則君且長有其國不必

慘下以自贏而何有于遠人臣且長有其家不比攘上以自潤而

又何有于遠人兩用遠人作結語畢吾于是知文德重焉是均安

和樂之朝歌雍咏勻而致遠人之咸賓者也又于是知脩文德貴

焉是豐基固本之國脩意脩言而制遠人之叛服者也二此最有力

文作莊重亦題意了然來以布其綏懷此句題而國不假此以勤兵家不假此

以黷武此二句在題外安以示其羈縻而君不借此以利吾國臣亦不私

此以益吾家疾徐在手揮灑自如竟為大意不接拘若是乎無

利于遠人者此必中之文也若元作誦宜休此題蓋吾誠不患寡則遠人之候服無

膠魯衆寡之數而終不以易吾均也吾誠不患貧則遠人之時或
時幸無與吾盈縮之機而終不以易吾安也得題音不
外寧者時有內憂近守者何遠遠畧方且日虞其傾也而顧謙勤
兵哉亦以傾字收拾與前相應胡震亨先做寡貧二比便與衆不
同便能括目其詞云今夫戶口凋耗則徒旋慮其乏人帑藏空虛
則度支憂其乏用凋耗空虛皆非雅詞然衆人皆不知此而徒
格乃有國家者非寡與貧之患而不均不安是患又何以說也格乃有國家者非寡與貧之患而不均不安是患又何以說也
文只作問語氣蓋君臣上下徒憑品級以為限制必隆殺適均而
後免旁落倒特之虞腹心手足徒恃精神以為流通必耦俱相安
而後可免熾疑猜忌之隙此所謂必中之文也過下先而如是二

字在上又作二比云治而未至于是則廟堂尚有隱憂非吾罔者
可勿問也治而既至于此則郊圻已無遺化梗吾治者可徐議也
此亦人所不做者大凡場中文字凡衆所共作者吾畧之衆所不
作者吾作之前輩讀質殖傳而悟作文之法謂人棄吾取人取吾
與也千萬記取此下即接云即非有以冀遠人之服正要遠人之服
與者推深一步法也蓋物相滌謂而方外有不賓之國則招徠之
之文者只順題直說使無文彩矣無術可失反躬自怨拙得雲人心事王隨慮彼不服而脩文德亦
不過以均安之餘休風動之而甲兵無勤矣原婦在均安上有理即非有以
挽遠人之去而新附有未堅之志則撫御之乖方可知彼既矣而
議安集亦不過以均安之餘化蔭庇之而禁防不設矣上風動

涉功蓋貳則懷而服則舍既不虧帝王覆載之量此二句來不拒
而去不迫又不失中國制馭之宜此二句在題此所謂不貪非分
之民而吾民亦不疲于戰鬪不貪非有之財而吾財亦不竭于轉
輸者也以積卒騁雄才以沉思擇厚養不拘于句字而說理用
色色到家取士若此可稱得人矣張杞先起二比云立聞之有
國家者止為富強計則所患不在均安而在貧寡惟為根本計則
所患不在貧寡而在均安上比是客下比是主以客形主原非云
調但通場不如此做便能醒人劉宗周繳云蓋患在寡則思得其
民以為守惟不均患則我能協上下之分遠人亦以分而效
于我是合天下以成無寡之治也此句患在貧則思得其地以為

利怕不安是患則我能調臣主之情遠人亦以情而堅附于我是
合天下以成無貧之治也收到無寡無貧上是此題本音大凡長
題繳處當与起處相應楊汝昇先將均字另講後皆從此說去而
篇中變化尤奇其文云丘聞之有國家者土地人民各有定分中
固不得勤遠以自封君臣亦不容過分而凌逼上司也試官批
云只以均字作樞軸大是卓識有万均則寡生無務患寡也而患
不均可焉有不均而因之不安聯絡得好則貧生無務患貧也而
患不安可焉獨得之見獨創之技絕不与世俗同見蓋山之封守
既偏則此邊彼稍偏而歸富空于上獎且以猜忌机杼之患而
既明此自講均則此發彼是此句

無貧毋論府庫充于上究且以綏和聯億兆之衆此句講和無黨
而國家安若覆瀾此句講安無傾覆瀾而字欠雅題本參差文却
甚整調既雍容大雅雖有一二字未妥不妨也此下緊承貧寡做
二大比把下節意思一滾發明此後只散々說去云自是而講來
柔于先自是而議鎮撫于後自是以文德而消梗化者之戎心自
是以安帖而固來庭者之逸志此處衆皆重做渾却輕々說過蓋
以吾之已安者并貽遠人以安而以吾均之之心為安之術原
不脫均字所為治之以不治而亦所為治之以內治者也奚貧寡
之足患飄々然入化境矣往時惟元魁練格邇來文風大盛入彀
者多楊公中六十二名而猶雅練若此欲中式者不可不留意也

應鳴時起云丘聞有國家者熟觀內外輕重之分深識安危得失

之故用此二句故貧寡不患而均安是急者何哉蓋計國家之大

利即編氓輻輳帑藏充盈摠之期無傾而止計國家之大害則上

下乖離君民猜忌摠之由不均而起何非冠裳誠一均則以無肥

瘠而生輯睦以無強弱而生寧謐國家若泰山而四維之矣叙得

甚輕撒脫圓轉易醒人目此下又項無傾作二比次將不服既來

二段只作四句提過用一何也只發大意云蓋無貧無寡之國原

不以遠人之叛而加損故來非患其無也是均欲納之王化之中

也均安且和之邦亦不以遠人之服而加益故安非利其有也是

咸欲溥之一視之仁也斯則內治而外亦寧遐迩聯為一體而基

國遠真于無虞耀德而不觀兵文治勝于武備而國勢愈垂于永
固常做處却不做人不做處却發明如韓信襲趙陳船不用而却
以木罌渡兵正々奇々恍惚變化不悟此肯終難論文董光宏起
云以丘所聞有國家者軫苞桑之圖則計先根本輩磐石之業則
慮切紀綱說破大意偉然出群叙過不患寡二句講均無貧三句
云蓋國家以離合為重輕尤以人心為離合詔惟均也則無涯之
情束于有艱之分相狹而卒以相諧何其和也是均之效也惟和
也則保定之治成于輯睦之朝相守而卒以相維何所傾也是安
之效也三句牽作二比何等雅正何等流麗此下用如是以二字頂
作二比云如是以整齊分誼則體統正而朝廷自尊如是以昭揭

風猷則順治成而威嚴自肅

神洗塵俗

言故或遠人未服也裔夷雖

非門庭之寇而小醜亦為全盛之虞脩吾言脩吾意有以來之而

已矣及遠人既來也大造雖無廢棄之民而聖王自有不治之治

順其俗適其情有以安之而已矣

溫潤安帖

威靈旁暢非不可以

昭無外之規模而神武者不要功于殊族操贊盈庭非不可以侈

一時之盛美而善治者不逞志于遐荒密理入微高風奕奕據其

談心自覺不凡陳光祖起云丘聞有國家者深維理道安危之故

熟思內外叛服之情

只此二句

非欲徂偏安之樂令德化鬱而不

暢也非欲矜姑息之恩令威靈靡而不振也

又及此二句

然而殿

陛之焦勞君臣之儆戒

兼此二句

竟不以貧寡之慮易均安之太

只此一句是題目而不曷故哉良以均生和生安雖國不

富家不用餽日培日固有培無傾所自起也均無貧三句只此

綱大越斯則以仁義為捍衛以綱常為分守不越安內而攘外之

猷已具其精神足以相結其名分足以相維不出經文而緯武之

笑已神添一層錦帳便覺內院深沉且言入理可法也講下二

段亦甚可觀如云即有不服毋以梗化而觀之兵也帝統擴而彌

張王綱恢而彌廣對季氏說帝統王綱雖稍其務舉吾德增而脩

之豈不足制其命哉國家所患原不在貧與寡耳幸其既服毋以

歸化而治之嚴也与之定畫一之規與之講便宜之畧分明談柔

遊机宜方是實際文字

索隱竹怪一節此題不難于敷衍成文而難于脫塵破的天地古今等語是舊時文話頭故場中用之者多以此見坊間時刻斷不應入目張應完先手起講下提出隱怪二字次將索隱竹怪一句喝出中間並不分講上二句四小比亦頗真轉下句四大比亦典雅末繳二比說為道非為名殊為破的王三才起處先做二比云彼其謂大道簡夷而易測非創幾千聖不傳之秘不足以樹高標而人情厭常而喜新必獨揭古今未有之奇斯可以投時好千聖不傳之秘原自好的此句用得有疵但文氣軒昂自能壓衆次將索隱竹怪只衍二句更速有述句作二比最活動流麗末句四大比又找四句皆溫潤可誦揚守陳起云蓋中道炳如日星即愚夫

愚可以與知而炫奇之士見謂不足動衆性術盡于坦途即天下萬世豈能變易而吊詭之士見謂不足諛聞有此二比局面自然平正自然可觀次以索隱行怪輕衍二句連下有述只作四句後點為字另作二比云獨計此以一隱怪倡既樂于術之得售而莫挽其為之非彼以衆隱怪和尤炫于術之足慕而莫知其為之悖此二比扼要奇自是元魁之休大道幾何不裂也而予豈為之哉予思易知之上不容強增一情識方嘉與愚夫愚婦共達于可知應起而索隱何為者縱世之有述与否所弗計矣予思簡能之外不容生一作用方嘉与天下萬世共率于周行而行怪又何為者彼名之垂後与否弗敢知矣只作二比簡練有法蓋下卒自能上達本不得鑿之以為

而道術鑿千多岐况敢隨衆以循習予豈能為之哉收得便捷
朴把講完上二句亦以為字作二比云夫索隱非知也而述其隱
者亦非真見其知之是也不過以一時之新奇自成其附會之見
耳而曾不思道之隱者非其顯者也隱則近僻而不可為矣為字
好行怪非行也而述其怪者又非真見其行之是也不過以一時
之詭異群然為世俗之趨耳而曾不思道之怪者非其庸者也怪
則悖常而不可為矣此二比亦甚有法且述其隱一轉收拾得完
溫体仁前面亦不分隱怪輕叙過講末句云吾則以知之本体
毫無可加而加一情識即鑿一真知其知其可鑿乎能之本体亦
毫無可增而增一詭誕即斷一天能天能其可斷乎此二比亦舉
毫無可增而增一詭誕即斷一天能天能其可斷乎

而方人故彼之所為正吾之所不為何者會當然之則而希不
然之事固道所不載也世之所述正吾之所不願述何者決性
合之真以要身後之譽尤為道之所不敢出也簡當確實况平淡
原自精微過求之而愈淺大道無擬議有可述而即非精瑩吾
誠不為之矣莊子曾重講求句語皆新其文云自有聰明以來
而生民之性灵統是矣夫豈得離之以為隱即索之隱也而取名
弥顯吾以為身後之浮名不補生前之大惑而竟抱汶汶以終是
性灵且自我而塞也吾奚忍而為之也自有皇極以來而衆庶之
日用揆是矣夫豈得逃之以為怪即行之怪也而延譽弥高吾以
為沒世之諛聞無救生平之用罔而徒持沾沾以見是日用且自

我而聽也吾實忍為之也

句下從中派出意高調高發揚中不發

一人之精力有

限

平地中突起却又讀得去

用之于光明正大則性情日益而用之于詭異

奇衰則中和日垂是欲出于天地萬物之外以守此空名也吾亦

愛吾力焉耳

此句收得好

斯道之羽翼在人失之于愚夫愚婦或著察

有期而失之于智士賢人則熒惑日甚究且棄而君臣父子之倫

以馳此流弊也吾終愛吾道焉耳

脫此塵言力掃古調如作文方能醒脫况聲華不

如茂實身其自炫毋寧守真而下孝可以達天去俗弥遠去道弥

近入理玄言自然可愛嗎感興作完上二句亦拖二比云是何好

異之徒乃壞一生之孝術而僅博一虛聲也是何叔世之上不諳

萬古之真傳而至惑于異說也

有此二比便吾物

吾則以天下事業無解

即庸德庸言本分內尚多虧欠安敢舍平易而尚新奇終身精力
有限即不厭不倦脩為處尚多未逮何能離經常而務詭誕况易
知易能聖賢自有定軌可以鼓衆志而不可以揭真詮吾弗為也
可以直上尚少一轉此是欠檢點
處不然可以待衆志者為何物即縱辨博炫奇古今豈無定論可
以邀空名而不可以昭實詣吾弗為也縱字用得好有此一字則
二比合成一比矣此四比句句皆不合掌皆有意見後用不然二
字反收二比此決中之文也李標先提起一頭云道至中庸止矣
本體昭融易察也軌則平易易循也聖哲無所炫神奇後世無所
施稱述而何世有索隱行怪者起此數語亦甚平正亦有頭腦此
下散做幾句即連有述作二比接下云術久傳而彌熾名久襲而

旅揚述之者莫究其非而為之者競踵其轍矣

用此數語便究悠揚我思為

道者以身合道非以道徇世也

切理之言即超絕之能不足以掩悠謬

之失而柰何仍之為道者

用而今為道者起亦非大方

以實求道非以道邀名

也

對得

即末世之稱不足以挽生前之玷而柰何效之况道妙于

中至易之知察之無盡至簡之行由之不窮何事更求于隱怪固

以力有所專而不暇為道本無奇吾守吾愚猶賢乎隱吾守吾拙

猶賢乎怪何必假此以盜名又以心有所薄而不屑為不暇為不

屑為極點得好二比皆以為字收拾却是大方家數後以蓋字正

收二比又用不然二字反收二比氣極條暢胡震亨先提隱怪二

字次反起二比索隱行怪却不做只依文點過另作二比云此其

為人必素負非常之材望而足以變動時流此其所持必皆創闢
之意見而足以熒惑耳目後世所由有述乎夫正卒雖明而易昧
有一人創異而薄蝕已多有衆人趨異而陵夷何底吾慮其為吾
道滋障而何忍為也人情厭常而喜新好得即一人相煽而傳聞
已廣若眾人相知而蔓延何窮吾懼其為異端益黨而何敢為也
不特觀于易知為知而見吾之不為索隱即悟之有形之外探之
無象之鄉其意識似涉幽玄要皆從易知中尋究也而不得謂隱
矣不特觀于簡能為能而見吾之不為行怪即軌轍不必循古昔
事務不比拘泥俗其牽動似涉迂誕要皆從簡能中變化也而不
得謂怪矣意雖人所易到而語則稜々見奇董光宏起云道有真

體天所命也性所率也愚夫愚婦之所與知與能也即窮之至玄至微不得謂隱即達之可權可變不得謂怪而何世乃有索隱而行怪者起得新奇便可命中鄙鳴雷後二比云就日用起知能而愈尋求愈竟有無限之趣則安事于道外增意障就闇然生實詣面求自信不求垂後世之名則何必為奇詭合時趨名理名言鍛鍊極精一見令人擊節

為天下得人難此題只要發得難字透徹張應完先以不難反二比後作六比極力發揮比々不脫難字其壓倒群英處在此其局而未化不得入上乘果中亦在此大凡善作文者只要曲寫其意不要直述其詞假如此題只發揮所以得人難之故不發難字而

其難自見令人恍然會意乃佳今必股入難字則意淺而情促
矣然張文皆就為天下發揮最為得旨初二比云惟曰為天下而
得人明哲登庸則萬方提福一不致慎而貽憂海內豈淺鮮哉是
登明顓俊之典蒼生所係命也何難也隆治有基必廣明勵翼不
掌一不得人而禍我生大豈渺少哉是安危理亂之机懸命于人
才也何難也先說後損後說得人先說海內後說生靈方人之伏
于岩穴也遁迹而未揭韜光而未顯即欲為物色之訪吾何以識
其果賢而用之如此謂似得難字本旨則為天下而奉之難及人之登于高
勿也高賢大良常含蓄而不炫煥士巧佞且襍進以求庸即欲為
心膂之托吾何以識其必賢而任之則為天下而任之難奉之難

任之難雖是舊意而却出以新裁便堯可謂後復以喜怒熙陟翻
作二比怒字熙字皆不着題末以舜禹皋收二比楊守勤先提二
比云謂之得人是牽一人之股肱心膂悉注之自彼非旅進旅退
之務也為天下得人是牽一世之湛恩濊澤悉寄之自彼非小康
近利之司也楊得華好在隱故責成委任在既得之後因可坐享
其功而旁求咨訪在未得之先豈容遽副其望擇如第吾欲為
天下得一敷治之人乎必其人真足熙庶績勤四方乃克躋天下
于永賴雖遍訪歷試猶若慮其責任之勿效者抑何難也吾欲為
天下得分理之人乎敷治指舜分理指禹皋必其人真足
四噢說弼兆民說乃克奠天下于生成雖闢門說選衆說猶若虞

其付託之求效者又何難也天下未平固天所以開聖人之治焉
當而承流無托即聖明何以收興利除害之功故虛懷而採側
席而求而常懼遭逢之不偶貞元會聚正天所以開豪傑之期
好而精神未洽即名世何能建阜財蕪善之績故夢寐而思委心
而任而常懼舍合之惟艱語氣和平詞情佳麗自是必中之文林
杞先以不难死起二比次以為天下得人翻二比即舍下難字後
實講四比云聖賢之生也不偶開口便而况弘才碩德又不屑
于見奇此第二茲欲求之于未知之先而常恐賢者未必知者
未必賢此即承上二層說即欲不謀父兄不謀師保而就真知灼
見間得此人也蓋亦難也英賢之出也有期而况偉績宏猷又不

輕試于尺寸欲任之于既求之後而常恐所任非其人其人未必
任即欲不避嫌疑不避形迹而就委任責成間得此人也蓋亦難
矣一腹中用二款字所以將款得之于枚卜而毀譽難憑此說聰
明又難信此說已得此句苟非我之精神會聚一代之精神而風
虎雲龍豈其易合風虎云龍是說易不將欲得之于弓旌而物色
難求疑似又難晰苟非以一人之意氣通億兆人之意氣而氣求
声應豈其易投四比皆刻意發明朗然佳製莊李曾後三比云樂
論人則凡百揆此二字四岳州牧侯伯不乏人也而有能奮庸熙
帝之載則非智超人來者難以獨任而成功故雖放勳之欽明而
良也哲堯論得人則九疇懷嘉猷延佇忠實者皆能得也而有能

惟時亮天之工則非德簡當心者難以從容而敷理故雖以重華

之濬哲而猶廣四聰

註中舜及禹皋只宜用在后不宜用蓋其迪在前只直器志不冒其微此作得之

知在考言詢事之外則德合其符而其孚契在弓旌至帛之亮實

天作其合甥餘音嘹亮可聽此是一句題格最難練馮盛典先

以得人無難意渾起一頭次以中材易致仁賢難求意流水二比

然後正講二比又用而况二字數二比再以故字收二比格亦練

矣中二比云欲任耳則彼素不飾聲欲任目則彼素不飾貌欲舍

耳目而求一登庸賢俊之道則又阻于聞見之不及而莫可憑將

任人既惧其生奸將任已又惧其滋乱將舍人已而求一延攬英

雄之術則又限于上下之相隔而莫可據層層數意不言難而難

自見李樸先以人及得人意起二比次作四句正講二大比次以
難字兩々相對作四比与北京解元古之孝者為已同格陳論起
云蓋天下重寄也為天下得人豈徒使效一官居一職固將令望
治之衆賴以安全而此安全四海之人殆超然于枚求夢卜之外
者也豈徒以應公車充仕籍固將令五位之恩賴以宣布而此宣
布王恩之人殆留合于精神心術之微者也議論甚大可以壓倒
群英胡震亨中二比云將以資格求之而所任在揔理天下之人
則固不若庶官下吏可律以循資遷轉之常也蓋古之論相者每
于功用未興之日而即信其不負鼎鉉之托其相知有出于物色
之外者為而奚得不謂難也將以才望取之而所得在專任天下

之人則固不若散曹祺局可待以量才擢用之例也蓋古之擇相者每于材畧夫著之時而即知其不負台衡之選其相得有妙于應求之微者焉而奚得不謂難也此題股、要粘着為天下發揮方為本色若脫了為天下雖意見層出皆剩語也

江西禮樂不興二句此題札樂精而刑罰粗作文瀕于札樂刑罰相關處發出一段精神乃為得體蓋與者乃吾平日教化有以浹洽其心思而自然興起也根正名及言事來中者謂吾之刑適合受刑者之罪而大小輕重無弗當也作者大率皆先提札樂徐來泰獨先提刑罰遂竟醒目提後又散作一段末二比反短繳二比反長此格之極練者又札樂始終不分元作也其文云人君攬大

象以臨照臣民

臣字贅本文只云民無所措其手足

即嘖笑

二字不穩

愛憎無敢任情以

自恣况威以懲惡豈容濫及于賢良園空刑措

好對得

猶惧法踈而

乱生况刑以禁奸豈可幸免于有罪

大意自好語亦精練此

刑罰所以貴中

也顧刑罰与礼樂不得分之而為兩大率善敗常相根得失可互

証者

散做此段局而便新

故邪侈之念萌内而礼樂之源虧則刑罰之源即

与之俱虧蓋一迷百謬不可以先後言也

說無先後方見兩者是一物方見相因之速但

開股不宜用蓋字

頗僻之行形外而礼樂之用紊則刑罰之用即与之俱

紊蓋一廢百弛不可以低昂論也由王秉以及象魏

礼樂在王秉刑罰在象魏

此句接得甚好其中和之度不復觀其端緒彼諸所譏决誰非无無辜之

衆于造物之和者

二句說得和謂眩惑于礼樂而顧洞晰于刑罰

非中本旨

此必不得之數矣由主德王秉臣以及朝章其垂戾之氣前說中

乘固已莫可挽回端緒在始彼諸鞠訊鞠訊該在前誰非誣曲直

之辨爽輕重之衡者謂礼樂之教久衰朕惑在知上而刑罰之施

偶當此亦不得之數矣合掌非故排擠忠良當改作誣陷善而

和序之粹德已歎且日就顛倒而不自知非故矜宥奸邪而偏駁

之疵類難融每妄議出入而不自亮却甚短便亮尾韓而格圖有

本之勢輔之勢蓋往蹟舊典何難与民曉告但疎于秉而襲于迹安所得

欽恤之仁物情世故間亦引經斷疑但遺其神而竊其文安所稱

祥刑之準文字有風骨有思致珠璣錯落理趣淵沉神物在前定

當相賞第二名夏師夔起云礼樂之用在提揭綱常暗指而隨以

明勅法憲故名無偏置何名之非礼

報名說求其不以偏置之私

輕試于故出故入之際可知也名無謬戾何名之非樂其不以謬

戾之私橫發于議重議輕之間又可知也礼樂刑罰聯落得好此

點綴題旨較明後二比云法議矜而適調于節刑罰中亦自有礼

樂也

如誨聯合礼樂一系于倫常而姑息啟寵寃且以之養奸故

法之所禁主之所寃而天憲漏于不赦之失法議辟而不詭于程

非刑罰外事有所謂礼樂也礼樂一墮于分秩而恣睢廢置寃且

以之暴誅故法之所寃主之所戮而文網濫于無辜之衆立意既

高隨手運詞自有精光透露王賓賢先以礼樂不興報名不正求

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

講二比甚冠冕中二比云世末有無礼樂以養其心而其心不

于恣睢者夫刑罰者

即以者字承者字故擔之文

固慘礪之資也而乘其恣睢

之秉必將以萬民之生命供已之喜怒即曰吾已皆過防邪而不

僭不濫者何以稱焉世未有無礼樂以經其治而其治不出于操

切也者夫刑罰者固絕束之具也而乘以操切之意必將執一成

之律昧平反之宜

情理甚切文之有實際者

即曰吾以一權制世而刑清民服

者何以稱焉不飾華詞惟教直理此必非汨沒于時文中者吳之

才提云夫國之法曰刑罰耳孰為調序是法而定之等者非礼乎

孰為調劑是法而歸之當者非樂乎

如此聯合此夫得則俱得失

則俱失者也故刑清政簡之風每多起于清朝而礼壞樂崩之國

必大乖乎刑憲前面提得明爽以後勢如破竹矣所以文字起處

必大乖乎刑憲前面提得明爽以後勢如破竹矣所以文字起處

最當用心萬建元起云吾知刑罰之中也惟無私刑者中之也禮樂弛而愛憎擾豈得無私刑罰之中也亦惟無繁刑者中之也禮樂廢而法令滋安得無繁無私無繁皆推其所以然之意劈頭講起就用意發揮如閑羽刺類良于萬衆中單刀直入並不見人繳云蓋君之刑人如其罪而止乃為中批別無禮樂之君意常不平人鮮能當其意者入者出之出者入之安所云持平之國人之犯罪準于法而不過前言罪此言法罪在民法在君前用正字此用刑不無禮樂之朝法亦不一人且莫知所承焉曲者可直者可曲安所見畫一之刑書閑肆跌宕並不拘拘于小巧傳宗臯通篇皆佳文曰禮樂非虛器也必有自然之情根于淵微洽于衆庶

而即為刑罰之律令刑罰非徒法也亦必有當然之度不涉舛逆

不苦曠繼者而即為礼樂之流通聯終合縫故道醇則法立惟中

和之主即以錫極于兆民此是情偏則制頗而垂戾之朝安能独

清其政典此是主以而字对惟字亦非特文中所有然体貼題意合用而字大方下拘也吾為按律而

求則五刑五罰之用一法吏程能足矣而試定之以輕重之情使

吾之法質之受法之人而相當而不過此必有夫然之節宣未有

節宣不契于礼樂而独能以恣睢之行詔符律度者也輕重鮮克

中矣吾為循制而行則明刑勅罰之制前說五刑五罰匪一掌故

習事足矣而惟平之以出入之準使国之憲稽之服憲之人而相

符而不惑此必有一成之品式未有品式不閑于礼樂而直任其

悠謬之數妄議條例者也出入並不中矣

結構精微語入微必

謂余皆活動發揮亦格之至變者可式也

蓋刑罰以佐德教非以煩科條向微礼樂以

養其德則淵洵先入于頗僻而安能提挈科條以禁民邪中者以

情原非以法斷

以中對礼樂發揮殆尽

向微礼樂以平其情則方寸已出于

縱恣而胡不輕戕民命以成已縱故論作用則礼樂格于未然刑

罰禁于已然而格化窮者政令所以目繁、刑者不中論本体則

礼樂為無形之

精蘊刑罰為有形之舖張精蘊乏者舖張所以目

勝刑勝者不中

此後有理有意奇思警句愈出不穷

然則礼樂詎可廢而正名鳥厲

廷乎通篇宏博碩大嚴整細密熟之可以開拓筆徑助發文思曾

純起云法令雖輔治之具而其調劑必本乎主心明允亦與理之

齊而其釐飭恒視于君德君興禮以止民不桂網矣即有時人
三尺從事而出入之中節者亦禮也君之樂以淑民小予令
即有時以刑書為治而輕重之中情者亦樂也此亦徐調元
起云夫礼樂也者非謂一經曲一声音之末已也彼人心生者以
關乎人心則入法入柄于此受裁矣入非謂一創制一考訂之粗
已也由吾心出者以當乎人心則五刑五罰于此致用矣聯屬有
限醒索隱行怪二節依註平對便落常詮場中此等題便湏活動不
可拘也江西諸公多二節各做既是各做最要整齊使一線相
承並無剩欠乃為老手萬應元提云吾以為常道未明則當行群

異之中獨求真是常道既著不當于至是之內自心厭心待醒
人做下節云蓋以不為于彼而得所遵亦惟不已于此乃為能遵
既以不求有述而擇其常則亦堅信吾是乃為能常倘不為人之
所為而復已人之所已不以遵道固其操既以已人之所已將復
為人之所為終以隱怪易其守打成一片聯絡有情傳宗畢後二
比云道貫乎觀聞動靜而不為迹所當析隱微以融其幾者故吾
不敢慕隱怪而離之亦有見于不可離也如復廢于半途是猶然
叛去者倫耳而烏能止息耶道寓于日用飲食而不為粗所當服
終身以聯其間者故吾不敢希稱述而悖之亦有見于不可悖也
如復以半途成廢是猶然驚名故智耳而安能止足耶故行協示

則當培不息之精神道止于符愈絕芬華之意想庶幾弗為于始者亦弗已于終而于道或有當耳如此講來方覺有味

大孝終身慕父母徐來泰起云慕親之心一耳而此身之構于物者萬變此心之移于物者亦萬變故孩提知愛孝思之端僅呈而終身不渝赤子之真常運斯所貴于人子者矣其惟大孝乎起得閒雅最利場屋王賓賢之格極有變化實講二大比後即用一夫字流水二比云夫人世之經歷不一凡可以撓吾私而轉吾慕者終身偽嘗即大孝豈無境變而本來之孩心不斲思所以順吾親而得為子者終身一念惟大孝獨無心變後又以此字過下發二比再以不然二字反收二比匠心匠理淋漓盡興不作經生口吻

吳之才起云夫吾所以有吾身者為有吾親則即終吾身夫孰非
父母之身也吾所以慕吾親者為有吾身則即終吾身亦孰非當
慕父母之日也提得明朗以下作四大比繳云蓋時必至終身而
生平之遭際乃可歷觀慕必至終身而平時之瞻切乃見真情道
勁有理

福建寬則得中四句解元第二名時選俱不錄第三名林剛中單
起云試觀自古迄今幾帝幾王風教固殊焉乃其心寧有異耶吾
見寬矣信矣敏矣公矣提夫非玩縱之為寬也而既提方寸
間歸在不入于刻不流于惠率其一念之体真足造群生之命者
惟是父母赤子懽相得也如是者為寬應起亦非要結之為信也

方寸中弗二以二弗參以三

此二句不及前此遠甚前以惠對刻寓意須遠此二三語是一意又詞近

闢率其一念之敦真足攝中外之神者惟是億兆蒼生緩急倚之如是者為信敏非強作之謂也一念醒百念俱醒直將豎不世之鴻猷而有功于天有功于地者此敏之道歸耳公非假合之謂也一念通萬念皆通不啻大快于千古而相悅以道相悅以解者此公之名歸耳体天地易簡之仁律天地四時之令使血氣之倫百相依而百相信存天地不亡之神奉天地無私之德又令朝野之內政不忒而民無慮結得冠冕後更着敷語收拾儘自可人題自本俗最難精采稍知煅煉便出色矣第四名王繼曾起云為天下者上不可有操切繩下之心下亦不可使有不信人主之意朝不

可有因循不振之功國亦不可使有偏枯隔閼之治此從顧涇陽
道千乘之國墨卷來正用得着黃日耀兩股雙起講語亦可觀首
二句講云吾知其寬矣而衆得焉蓋謂之衆則其意碩駢集不可
欺以雕厲者倘馳驟嚴則衆解體吾以心之寬容天下毋隘毋褊
羅區宇而包之以容德即起念之曠蕩已潛攝于衆念夫誰有離
其主者又知其信矣而民任焉蓋謂之民猶然太初一脉不容參
以二三者倘徂詐用則民携式吾以心之信聯天下何二何三撒
藩籬而照之以真惻即發念之真元已潛攝于衆念夫誰有背其
主者詞亦精練講完繳云意念聚則必洩既以吾心布之天下精
神往則必收亦以天下証之吾心此治法也即心體也收得新而

雜

懲恕違道不遠解元洪承選首二比云道之初非惟無物抑且無
念想念起而計較生而道始遠矣忠恕者于萬念不起之中忽
然萬實之念起持此為矩即所以合矩于太始之真也即為矩道
何近如之道之初非惟無境亦且無情一萌而巧故乘而道滋
遠矣以滋對始字忠恕者于一情不增之地藹然真切之情動運
此為衡即所以符衡于無妄之元也心即為衡道何近如之切實
近理之文最醒人目王繼曾中二比云大道原無岐路完之即為一
体雕之而
庶不遠于道之大道也乎大道原無岐路完之即為一
始有情識忠恕之境猶然一体未雕之境也蓋忠恕而岐路不生

焉其庶不遠乎道之大全也乎亦見理可誦東云心各具一忠恕
則耳目肝胆無之而非道也人各具一心則愚夫愚婦無人而不
可近道也亦佳俞誨中二比云非必勉強之後漸成自然始與道
一試就此勉強之一念為能力撤其情識之累情識不得參焉淵
然一實之涵而天地之心見矣於道不遠矣非必推擴之極終歸
渾化始與道合試就此推擴之一念為能力祛其幻妄之蔽幻妄
不得乘焉擴然萬象之通而性真之原徹矣於道不遠矣發盡題
旨抉精入微

聖人治天下二句洪承選起來皆可起云曰天下是以天下之積
為積也其根本命脉當為一世計不宜有獨榮獨瘁也曰治天下

是以天下之道治天下也其盈縮劑量當與萬方共不宜有獨盛
獨約也志二比云以用論水火救粟均為自然之民利聖人者因
天地以補助天地蓋使寰宇內相為藏蓄相為灌輸而初無在官
在民之分以是論水火救粟復為民間之長物聖人者因生人以
膏潤生民蓋使億萬姓自相劑量自相流通而更無在己在人
之別有此起東通篇只信筆寫去無非佳境

湖廣擇可勞而勞之四句解元然延弼通篇皆佳先摠起二句云
人人主不可置民于怨尤不可自見其貪即接云然則衆撓其政
上即勢能驅萬衆而勞不擇可衆寔有口胡可弭也唯擇可勞而
勞是上熟其便而不得不借力于民者也亦下規其宜而竊重

力于君者也以一勞收永遠即以勞天下之心處天下雖勞亦
遠也何必不勞况擇之自君既已心勞百姓矣彼民者亦豈有愛
焉其以為怨也句句發意貪則自蠹其政上即勢能供萬欲而欲
不以仁心寔居汙胡可諱也唯欲仁得仁是從泊然無欲中自發
其真机者也亦從訢然可欲中自符其本休者也以真欲契真理
即化吾心之欲而為理雖欲亦理也何必不欲况所得在仁既已
還歸無欲矣即多取豈外益焉其以為貪也文字最難得古此文
宜熟玩劉芳節束云嬰之父母雖愛不能無勞然以易樹怨者不
至于歛怨則何必捐後而後可以治民心天地至仁不免有憾獨
以齊同欲者卒歸于無欲則何必絕欲而後可以清主德束得有

味自然可取

知恥近乎勇劉芳節中二比云誠知人與我同此德性彼何為于
古獨景其懿鏢我何為自墮九庸也毋乃彼勵志而勤修我徘徊
而頽息與其恥之為恥將若無地以自容而力剖積習之障勉追
千古之踪就此恥時身體髮膚皆若為之鼓其壯者而勇近矣不
知人與吾共是區宇彼何為百世獨嘉其聖神我何為自沉晚季
也毋乃我因循而不振彼勤勵而加脩與其恥之為恥將若無辭
以自解而力起昏逾之習遠慕百世之芳就此恥時耳目心思皆
若為之助其健者而勇近矣摹寫逼真縱橫透露思沉而神王佳
作也汪之彥以智仁作二比云智臨之主耳目心思無非体膚舍

霧之府我何以頑愚不聰如此乎慧識下闢頓亮平昔之障翳悉融而除寐復醒之日即精澄神王之日也彼其盟心好學有意氣皆為貫壯而神情盡為助發者此一念雪恥之心其適于天德一間矣仁育之君心知血氣無非還真去妄之功我何以沉溺不返如此乎霧縠甫動頓覺夙昔之蒙蔽盡拍而釋迷就寤之時即志揚氣露之時也彼其矢志力行有手足皆為鼓舞而髮膚悉為踴躍者此一念免恥之心其去夫天德不遠矣刻意發揮形神俱壯有事君人者二節熊廷弼先以悅字平擬二北云悅出于人情之所易昵而其事巧其合易故邪臣記之以行私悅根于天性之所自植而其迹忤其計便故忠臣輸之以明即下二段輕重相形做

最爲得體劉芳節上輕下重做講完上節過下云耳之臣也百圖
已之便不顧君之安百慮已之私家不一問君之社稷君亦何利
千有此臣哉此過有力繳云蓋彼之爲悅周身之計固百密不使
一疎此之爲悅社稷之衛亦萬全不使一隙所悅出于周容也者
其意態畢竭于趨承所悅出于計安也者其心思悉殫于輔翼故
惟容之爲悅而始曲盡小人之情態亦惟安社稷之爲悅而始曲
盡忠臣之極思嫻餘音三復有味

河南子路問事君一節鮮元金燧通篇皆純正末二比更佳其文
云蓋欺之罪大豈人臣所甘蹈第愛君不勝自愛則欺而不自知
故必盟心屋漏斯可仰對一人雖不犯而素心已盡犯之名逆又

豈臣子所忍為第而從不如面折則犯而不容已故必矢志彤庭
斯可上裨君德即觸忌而真心益明場中極賞此二比精切痛快
果能發人所未發此必中之作也第二名屈允高起云吾人自誠
意以來無一可自欺之事而事君尤甚自委質以來無一可欺君
之時而犯君尤甚臣而于犯非臣之願也而柰何重以欺之然臣
而至于諱犯尤非臣之願也而惟勿以欺行之提得明白後便好
講嚴士節起云萌之方寸而可徹之九重者心是也而欺恒為之
障此心苟欺則然之固為隱諱而犯之亦為激昂而行固為倖中
犯而不行且為厲階故非犯之難而勿欺難也此起亦好劉格繳
云謾欺者有為而為之心々苟出于有為則犯也不當祇為義

就也而當猶為借資是一欺百欺之弊也而非蹇諤之不足重也
不欺者無為而為之心誠主于無為則明諄顯諫是謂犯而不
犯游移默奉是謂不犯而犯斯信而后諫之道也而何盡心之非
致主也發揮透徹題無遺青

隱惡而揚善金燧後四比云聖人之量宏則廓然大同之衷人
已而忘善惡自化故其揚者游于無我而其隱者亦取善中海涵
之度量也摠之舍已從人襟度濶然而非有籠絡之術聖人之志
公則渾然天理之中一善為宰眾惡悉捐故其揚者符于心印
而其隱者亦取善中光明之胸次也摠之博覽恕收心神朗然而
非有鼓舞之私制精欲密言蓋求言若渴則得其善即忘其惡而

而途不滯于胸中從善如流則見其善不見其惡而一念渾淪于
無外卓然神構音節俱高屈允高後四比云天下惟惡悔而善明
隱者因其晦而揚者因其明則隱之揚之者亦非我也是謂以天
下處天下天命止有善而無惡揚者所以彰其有而隱者所以泯
其無則所隱所揚者我亦不知也是謂以天道處天下衆人以含
垢為隱初善為揚摠屬有心而其智小聖人以無垢可含為隱以
取善而與善為揚摠歸無心而其智大自出已見畢力摹寫而來
二比尤勝

於不可已而已者二句此題枯淡最難措手金燧云夫天下有大
要務惟我摠持有細節目惟我分攝寧有可已者然而以巨細

則不可已者為可已者之綱以緩急較則已于不可已者為無不
已者之漸起說不可已有見轉下甚因此舉業真正路頭也後四
比云蓋曰不可已者是事有不客諉之責而我操可以為之權于
此一已則必殫廢于將來此已之由始也曰無不已者將視天下
有不必理之務而吾人有不必用之心于此尽已則實因原于始
念此已之所由成也吾聞君子自強不息則何可以有已心聖人
亦不已則何可以有已事夫已實一念耳而弊至于此也則已
之端可開哉聞是科河南場中為此篇點落甚眾独全公通布條
賜速首選刻程漸學大後二比云抱老成之卓識者沉謀遠慮類
由急以及緩而精神一弛則急者緩而緩者更何望其急祇見凌

夷而不可復振達治體之鴻猷者深思却顧恒由要以及畧而意氣一懈則要者畧而畧者何望提其要將主百族而不可收拾明白雅暢而意味亦求率經札末二比云雖天下事失之于此猶可異得之于彼然而大綱既頽安問細目一失永失當其始之逡巡時而已卜其終雖人之情忽畧于前猶可望振舉于後然而鉅典已廢安問末節一廢百廢當其初之畏縮時而已定其衡亦明微可觀允塲遇此枯題必當抖擻精神極力抒寫蓋小題當大做枯題當腴做淺題當深做此自然之理也

山東見志不從二句郭文英起云夫幾者微也微而動之雖暴發不容而至微所不能動此寧可以口舌爭之而以厭敬乘之幾者隱

也隱而顯之雖昏又悟而至隱所不能顯此寧可以詞說屈之而
以拂折諉之承幾字說入中二此云託言在此正欲親之悟意在
彼乃潛而察親之志則見有堅決而未盡釋者吾旁引四喻之初
心何以通之敢不敬與所為祇載夔慄以將我委婉之情者又慍
慍不置矣悟親以言尤欲悟親以不言乃默而窺親之志則見有
齟齬而未盡合者吾反覆展轉之初意何以達之敢不敬與所為
溫恭寅恪以據我中心之願者又懇々不急矣深入發意恣態橫
生繳云不然我強諫而親不從其失不獨在親我弗敬而又不從
親其失反在于我親不從我則其失猶有時而覺我弗敬而至于
違則其罪無時而可贖矣意見俱高

詩曰天之方嘏至謂之敬宋鴻儒講完詩語過下云此非他他祇事壞于從諛矩矱敗于踰檢議論恣乎胸臆陳說悖乎先王此其心若將曰苟可進之君何又干誰而吾亦不失為恭順又將曰苟可陳之君何又干善而吾亦不失為敬共矣乎不知恭不可假惟其貴難者稱焉敬不可飾惟其陳善閑邪者稱焉講泄泄即影下事乃無義三句最有理後二比以恭敬渾講尤高此老成之筆也末繳云蓋非名義不以事君非典札不以持身非指陳先王不以騰說于口而所以反泄泄之習挽方嘏之天者竭有賴矣臺無涉漏楊巨鯨誦詩云周人憂王室之將仆懼矢意之難四憤王臣之情寢慨恭敬之牢儼志刺也亦志思也剝垢見于文采奕生

題如若頗多今不盡錄

萬曆壬寅孟冬月

雙峰堂余文台梓

